



«Hallo tscheiver» han biars Tuatschins e lur hosps detg ier a caschun dil til da gievgia grassa. Ils presents han giu plascher che quel ha giu liug, era sch'el ei staus empau pli pigns che usitau. La decisiun d'organisar il til da gievgia grassa era curdada gia il december e la scola ha survegniu l'incarica da sepreparar. Las gruppas da carschi han muncau quella ga ed era la sera da tscheiver en halla ei vegnida annullada. Persuenter ein ils sujets dils affons stai bials e varionts. Per la dretga tempra han las guggas da Trun, Sedrun, Mustér e Sumvitg procurau.(fmr/sr)



Il tscheiver da Venezia a Sondrio in stein hials ed empau meina peggan ch'igl'original.



Las lieurs da Paschga ein arrivadas brevemente beuf a han hura fatg in tes reclama ruppada.

Barlot multicultural

Suenter in onn pausa ei la gievgia grassa puspei vegnida festivada ier ella Val Tujetsch. Quei cun narradira, paucas e trumbettas, in til empau pli pign, mo fin e dabia gliued agl ur dalla via Alpsu.

SUSI ROTHMUND/FMR

Il til ha menau sur Camischolas tras il vitg entochen tier la casa communal. Gia lunsch naven ferdav'ei da ligiongias barsadas ed autras cuschinadas. Igl ei stau in til cun quater musicas da tscheiver, ils pignets da Mupi sco Globis e quels dalla scoletta sco drags da tuttas colurs. Era las gruppas dalla scola han preparau ils sujets cun gronda breigia. Damai che la suprastanza communal ensemen cul cussegl da scola han decidu gia il december da realisar il tscheiver han ei buca stuiu far tut alla bahutta. Sco il genau *Daniel Schmid* ha detg, erien buca tuts incantai da quell'idea duront il temps da pandemia cun massa malsegirtads. Aschia han ils carrs gronds dallas gruppas da carschi muncau diltuttafatg e cun els era empau ils motivs che peztgan. Daniel Schmid ei fetg cuntents ch'igl ei gartegiau e ch'il tscheiver tuatschin ha era saviu haver liug ier: «Nus havein giu dapli aspectaturas ed aspectatur che spitgau. Miu facit ei - excellent – jeu sun cuntents che nus havein decidu aschia. Igl ei impurtont da mantener la cultura che nus havein e tier quella s'audan era talas tradiziuns.» Ch'ils giuvens Tuaschins san tuttavia esser multiculturals han ei mussau culs motivs da tscheiver. Per exempel tematisond il tscheiver da Basilea ni quel da Venezia. Auters sujets da gievgia grassa ein il Globi e siu niev cudisch ni era las lieurs ch'ei vegnidadas memia baul stadas.



Ils drags han dau colur al til da tscheiver da gievgia grassa ier a Sedrun. FOTOS SUSI ROTHMUND